



News Letter

পশ্চিমবঙ্গ কলেজ গ্রন্থাগারিক সমিতির ত্রৈমাসিক মুখ্যপত্র

Vol. XXV

January - December, 2016

No. 1 - 4

সম্পাদকীয়

পশ্চিমবঙ্গ কলেজ গ্রন্থাগারিক সমিতি আজ শুধুমাত্র একটি নাম নয়, একটি আন্দোলন। পঞ্চাশ বছর পেরিয়ে সাফল্যের সাথে এগিয়ে চলছে আমাদের এই সমিতি। বহু আলোচিত বিষয় গ্রন্থাগারিকদের পদমর্যাদা অর্জিত হয়েছে সমিতির আন্দোলনের প্রচেষ্টায়। আজ কলেজ গ্রন্থাগারিকরা শিক্ষক পদমর্যাদা পেয়েছেন এবং বুক ফুলিয়ে তাঁরা বলতে পারছেন যে তাঁরা শিক্ষক। সমিতি এই কঠিন কাজটি দীর্ঘ চল্লিশ বছর আন্দোলন করে ও মহামান্য কলকাতা উচ্চন্যায়ালয়ের দারস্থ হয়ে আপনাদের এই প্রাপ্য সম্মান অধিকার করতে পেরেছে। তারজন্য ধন্যবাদ জানাই মহামান্য উচ্চ আদালতকে, বর্তমান রাজ্য সরকার এবং উচ্চ শিক্ষাপ্রশাসনকে আর সেই সঙ্গে জানাই অন্তহীন কুর্নীশ সেইসব কলেজ গ্রন্থাগারিক বন্ধুদের যারা এই আন্দোলনকে সংঘটিত করেছিলেন এবং দৃঢ় সংকল্প নিয়ে এই আন্দোলনকে সফল করে তুলেছিলেন।

অধিকার অর্জন করা যেমন কঠিন, তেমনি সেই অর্জিত অধিকার রক্ষা করা কঠিনতম কাজ। সেই কঠিনতম কাজটি আপনাদের করতে হবে কারন ইতিমধ্যে কয়েকটি সংগঠন আপনাদের এই আন্দোলনের ফসলের দাবীদার বলে নিজেদের দাবী করছেন। সতর্ক না হলে আবারো ঘন অন্ধকার নেমে আসবে কলেজ গ্রন্থাগারিকদের পেশাগত জীবনে। তাই আপনাদের অনুরোধ আরো সংগঠিত হোন, সমিতির ছত্রায় থেকে নিজেদের দাবীদাওয়াকে প্রতিষ্ঠিত করুন।

সারা বছর ধরে নানান সাংগঠনিক কাজকর্ম করে থাকে আপনাদের এই সমিতি। আপনারা খুশি হবেন জেনে যে, UGC দ্বারা গঠিত 7th Pay Review Committee-র প্রতিনিধিগণ 23.09.2016 তারিখে যাদবপুর বিশ্ববিদ্যালয়ে বিভিন্ন সংগঠনের সঙ্গে আলোচনায় বসেছিলেন। আমরাও সমিতির পক্ষ থেকে আমাদের পেশাগত দাবীদাওয়া জানিয়েছি এবং শীত্রাই যাতে 7th Pay চালু হয় সেই দাবীও করেছি। 7-10 ডিসেম্বর, অসমের গুয়াহাটিতে AIFUCTO-র ত্রিশতম সম্মেলন হয়, সমিতির পক্ষ থেকে সেখানেও আমরা আমাদের দাবীদাওয়া জানিয়েছি এবং আমাদের এই আন্দোলনকে রাজ্যের মধ্যে সীমাবদ্ধ না রেখে, AIFUCTO-র মাধ্যমে সারাভারতে তুলে ধরার চেষ্টা করেছি। কলেজ গ্রন্থাগারিকদের পেশাগত সমস্যা নিয়ে আন্দোলনের পাশাপাশি সমিতির প্রতিনিয়ত পেশার উন্নয়নের জন্য কাজকর্ম করে চলেছে। সমিতি বিভিন্ন ধরনের ওয়ার্কশপ আয়োজনের মাধ্যমে বিভিন্ন বিষয়ে পেশাগত ভাবে আপনাদের সমৃদ্ধ করে চলেছে। ১৪.০৫.২০১৬ তারিখে নগেন্দ্র মঠ সভা কক্ষে লিভৱল এবং সার্ভিস বুক সংক্রান্ত বিষয়ে আলোচিত হয়েছে। ১৯.০৬.২০১৬ তারিখে তৈরি গাঞ্জুলি কলেজের সঙ্গে যৌথভাবে Website design সংক্রান্ত বিষয়ে ওয়ার্কশপ হয়েছে। সমিতি College Libraries নামক পত্রিকা বহু বছর ধরে নিয়মিত ভাবে প্রকাশিত করছে। উক্ত পত্রিকাটি ISSN যুক্ত হওয়ায় আপনাদের প্রমোশনে কার্যকরি ভূমিকা নিয়েছে।

এই সময় কালে বহু কলেজে নতুন গ্রন্থাগারিক যোগদান করেছেন। সমিতি তাদেরকে জানাচ্ছে অভিনন্দন, শুভেচ্ছা এবং সমিতির সভ্য হবার জন্য তাদেরকে অনুরোধ জানানো হচ্ছে। সেই সঙ্গে সমস্ত কলেজ গ্রন্থাগারিক বন্ধুদের কাছে আর্থিক সাহায্য কামনা করা হচ্ছে। দৈনন্দিন সাংগঠনিক কাজকর্ম, ঘরভাড়া ইত্যাদির জন্য সমিতি আপনাদের দানের উপর নির্ভরশীল। এছাড়া সমিতির স্থায়ী বাসস্থানের জন্য আমরা সচেষ্ট। তাই আপনারা আপনাদের মত করে আর্থিক সাহায্য করুন যাতে সমিতি আগামীদিনে আরো শক্তিশালী হতে পারে।

বর্তমান সংখ্যাটিতে সমিতির কিছু চিঠি পত্রাদি, সরকারী নির্দেশনামা, নিরাক্ষিত আয় ও ব্যয় (২০১৫-১৬) তথ্যাদি প্রকাশিত হল।